

500 **Der** wirt ân allez bâgen  
 begunde in vûrbaz vrâgen:  
 »neve, noch hân ich niht vernomen,  
 wannen dir diz ors sî komen.«  
 5 »hêrre, daz ors ich erstreit,  
 dô ich von Sigunen reit.  
 vor einer klôsen ich die sprach.  
 dar nâch ich vlûgelingen stach  
 einen rîter drabe unt zôch ez dan.  
 10 von Munsalvæsche was der man.«  
 Der wirt sprach: »ist aber der genesen,  
 des ez von rehte sol wesen?«  
 »hêrre, ich sach in vor mir gên  
 unt vant daz ors bî mir stên.«  
 15 »wil dûs Grâles volc sus rouben  
 unt dâ bî des gelouben,  
 dû gewinnest ir noch minne,  
 sô zweient sich die sinne.«  
 »hêrre, ich namz in eime strît.  
 20 swer mir dar umbe sünde gît,  
 der prûeve alrêst, wie diu stê.  
 mîn ors het ich verlorn ê.«  
 dô sprach aber Parzival:  
 »wer was ein magt, diu den Grâl  
 25 truoc? ir mandel lêch man mir.«  
 der wirt sprach: »neve, was er ir  
 – diu selbe ist dîn muome –,  
 sine lêch dirs niht ze ruome.  
 si wânde, dû soldest dâ hêrre sîn  
 30 des Grâles unt ir, dar zuo mîn.

dir daz ors \*T (L)  
 »h. (om. D), ditze ors \*G (ohne L) (\*T)  
 die sach (besprach Z). \*G die gesprach. \*T  
 a. er g., \*T (L Z)  
 des ez von (ze \*T) r. solde w.?« \*G (\*T)  
 in von ([vor]: von V) mir \*G (ohne LZ) \*T  
 dâ zw. \*T · sich dîn s.« \*G (nur GZ)  
 u. wandel gît, \*T  
 wie diu gestê. \*G (nur GI) wie der (daz V) gestê. \*T  
 Eines tages vrâget in ([A\* i\*]: Aber sprach do V) Parcifal: \*T  
 Der w. sp.: »daz sag ich dir (neve er was et ir O [L]): \*T (L)  
 diu s. ist dîn m., \*T  
 dîm n. \*T (L)  
 des Gr. unde ir unde dar zuo mîn. \*T (I L)

\*D: D \*m: m \*G: G I L Z \*T: T V O

1 Initiale D m G I L Z T O 5 Majuskel T 11 Majuskel D T 13 Majuskel T 15 Initiale I · Majuskel T 19 Majuskel T 23 Initiale m T V 26 Majuskel T

4 diz] daz \*m 8 vlûgelingen] vlûgelingen \*m (L) 11 er sprach: »ist aber der man genesen, \*m 12 sol] solte \*m 13 vor] von \*m 14 mir] mir dâ \*m 17 ir] sîn \*m 21 diu] ez \*m 23 Aber sprach Parcifal: \*m 24 ein] diu \*m 28 dirs] dir: nachträglich korrigiert zu: dirs D 30 des Grâles und dar zuo mîn. \*m